

II. KAFLI – Almenn ákvæði Sundsambands Íslands

1. grein - Keppnistímabil

Keppnistímabil SSÍ er frá 16. ágúst til 15. ágúst.

2. grein - Opin mót

Opin eru þau sundmót kölluð sem öllum félögum innan ÍSÍ er heimil þátttaka í. Opin sundmót skulu fara fram samkvæmt sundreglum SSÍ og FINA, m.a um sundkeppnina, sunnaðferðir, tímatöku og hlutverk starfsmanna.

3. grein - Innanfélagsmót

Innanfélagsmót eru þau sundmót kölluð þar sem þátttaka er takmörkuð við ákveðið félag og gesti þess. Farið skal eftir sundreglum SSÍ og FINA. Heimilt er að víkja frá reglum um fjölda starfsmanna á innanfélagsmótum og mótum þar sem ákveðnum hópum er boðin þátttaka. Sé það gert skal það tilkynnt til SSÍ með amk. 3 daga fyrirvara og þess getið í úrslitum mótsins.

4. grein - Héraðsmeistaramót

Héraðsmeistaramót eru haldin af einu eða fleiri héraðssamböndum eða sundráðum. Skulu þau fara fram samkvæmt sundreglum SSÍ og FINA. Heimilt er að víkja frá reglum um fjölda starfsmanna á innanfélagsmótum og mótum þar sem ákveðnum hópum er boðin þátttaka. Sé það gert skal það tilkynnt til SSÍ með amk. 3 daga fyrirvara og þess getið í úrslitum mótsins.

5. grein - Sundmót SSÍ

Sundmót SSÍ skulu vera:

- a) Opna - Íslandsmeistaramótið í 50 m laug.
- b) Opna - Íslandsmeistaramótið í 25 m laug.
- c) Aldursflokkamót SSÍ
 - i. Unglingameistaramót Íslands, UMÍ haldið í 50 metra laug.
 - ii. Aldursflokkameistaramót Íslands, sem haldið skal í 25 m laug.
- d) Bikarkeppni SSÍ, sem haldin skal í 25 m eða 50 m laug.
- e) Opna Íslandsmeistaramótið í garpasundi, sem haldið skal í 25/50 m laug.
- f) Opna - Íslandsmótið í sundknattleik.
- g) Opna - Íslandsmótið í dýfingum.
- h) Opna - Íslandsmótið í samhæfðri sundfimi.
- i) Opna - Íslandsmótið í víðavatnssundi.
- j) 3 km og 5 km sundkeppni

Öll mót SSÍ eru haldin samkvæmt reglum FINA, Alþjóða sundsambandsins, nema annað sé tekið fram í reglugerðum móta SSÍ. Óheimilt er að stofna til annarrar keppni í sundíþróttum á vegum sambandsaðila þá daga sem ofangreind mót fara fram. Stjórn SSÍ er heimilt að breyta nafni móts þannig að það tengist nafni eða vörumerki styrktaraðila þegar styrktaraðili tekur að sér að styrkja tiltekið mót. Heiti móts skal ávallt innihalda nafn/auðkenni Sundsambands Íslands. Sundmót SSÍ skulu ekki verið á dagskrá á sama tíma og meistaramót LEN og FINA. Dagsetningu SSÍ-móta getur stjórn SSÍ breytt, þegar áætlun um meistaramót LEN og FINA liggur fyrir svo og ef breyting verður á forsendum mótahaldsins.

6. grein - Umsókn um mót

Hvert aðildarfélag sambandsaðila skal hafa rétt á að halda mót á vegum SSÍ með fullri fjárhagslegri ábyrgð. Réttindi til þátttöku á mótum SSÍ, hafa öll sundfélög sem eiga lögmæta aðild að ÍSÍ.

Umsóknir um að halda mót á vegum SSÍ skulu berast SSÍ fyrir 15. maí fyrir næsta sundtímabil. Ákvörðun stjórnar um staðsetningu skal liggja fyrir í upphafi keppnistímabils og þá skal stjórn einnig gefa út mótaskrá fyrir komandi tímabil.

Í umsókn um SSÍmót, skal koma fram greinargóð lýsing á laug og öðrum keppnisaðstæðum (mælingu á laug, upphitunarkerfi laugar, aðstæður fyrir áhorfendur o.fl.) og upplýsingar varðandi gistingu, fæði og ferðamáta, svo og kostnað við það.

Umsóknir um opin sundmót skal senda SSÍ fyrir 15. maí fyrir næsta sundtímabil. Heimilt er að efna til opinna sundíþróttakeppni með minni fyrirvara, en þá verður umsókn um mótið að berast til SSÍ með minnst 1 mánaðar fyrirvara.

Í umsókn um innanfélagsmót skal tekið fram hvar og hvenær mótið á að halda, í hvaða greinum verði keppt og nafn yfirdómara. Tilkynning um mótið skal berast stjórn SSÍ með minnst viku fyrirvara og skal SSÍ skrá umsóknir (tilkynningar).

Félög eða félagsmenn innan vébanda ÍSÍ mega ekki taka þátt í opinni keppni eða móti sem ekki hefur hlotið samþykki viðkomandi aðila. Þó er hér undanskilin skólakeppni og keppni milli vinnuflokka.

7. grein - Veiting móta

Ef tvö eða fleiri aðildarfélög sækja um að halda sama mót á vegum SSÍ skal stjórn SSÍ ráða staðsetningu þess og er niðurstaða hennar endanleg. Framkvæmdaaðili og SSÍ skulu ávallt gera með sér skriflegan samning um framkvæmd mótsins og skiptingu hagnaðar og kostnaðar.

8. grein - Skyldur framkvæmdaaðila

SSÍ sendir út tilkynningu til aðildarfélaganna minnst einum mánuði fyrir mót. Í tilkynningunni skulu koma fram upplýsingar um laugarstærð, tækjabúnað, skipulag móts og dagskrá, skráningargjöld og skráningarfrest.

Á sundmótum skal unnið í samræmi við staðfestar leiðbeiningar vegna sundmóta SSÍ og jafnframt skal kynna sérstaklega meðferð ágreiningsmála, kæruleiðir og áfrýjun úrskurða og þar með lögsögu dómstóla ÍSÍ.

Ágreining sem upp kemur á móti skal leysa innan lögsögu mótsins, sé þess nokkur kostur og gera grein fyrir niðurstöðu í mótaskýrslu. Nú verður ekki leyst úr ágreiningi innan lögsögu mótsins – eða vitneskja um atvik berst ekki fyrr en að loknu móti – skal þá vísa málum með formlegum hætti til stjórnar SSÍ. Fylgja skal greinargerð og sem nákvæmust atvikalýsing. Skal þá stjórn SSÍ leita lausnar á ágreiningi / sátta, en jafnframt kynna málið fyrir Aga- og síðanefnd SSÍ, sem tekur við málinu innan þess frests sem stjórn hefur ákveðið, hafi ekki fengist viðunandi niðurstaða fyrir þann tíma.

Aðildarfélag sem tekið hefur að sér framkvæmd móts á vegum SSÍ en dregur sig tilbaka meira en þremur mánuðum áður en mót hefst, skal greiða sekt til SSÍ að fjárhæð sem svarar til 1.750 EUR. SSÍ skal síðan greiða fjárhæð sem svarar til 1.250 EUR til þess félags sem hleypur í skarðið. Ef framkvæmdaaðili dregur sig til tilbaka frá AMÍ innan þriggja mánaða frá móti skal hann greiða sekt sem svarar til 2.625 EUR til SSÍ. SSÍ skal síðan greiða fjárhæð sem svarar til 2.000 EUR til þess félags sem hleypur í skarðið.

Fulltrúi SSÍ á að vera viðstaddur lokaundirbúning keppnissvæðis og mælingu á laug. Framkvæmdaaðili er algjörlega fjárhagslega ábyrgur fyrir mótinu. Framkvæmdaaðila er skylt að sjá til þess að löglegur fjöldi starfsmanna sé til staðar meðan á móti stendur. Framkvæmdaaðila er skylt að halda mótið í samræmi við áður ákveðna dagskrá samþykka af stjórn SSÍ.

9. grein - Skyldur þátttökuliða á SSÍ-mótum

Aðildarfélög skulu sjálf bera allan kostnað vegna ferða til og frá mótisstað, svo og kostnað vegna fæðis og gistingar. Félag skulu útvega starfsfólk í hlutfalli við fjölda skráninga miðað við stærð laugar. SSÍ gerir grein fyrir starfsmannapörf um leið og mót er tilkynnt og skulu félag skila lista um starfsmenn samhliða skráningu keppenda. Sú almenna regla skal gilda að félag skili að lágmarki einum starfsmanni fyrir hverjar 10 skráningar og þau félag sem starfa innan 120 km fjarlægðar frá mótisstað skulu skila tvöföldum fjölda starfsmanna á við þau félag sem lengra eiga að. Stjórn SSÍ skal beita félag viðurlögum t.d. fésektum uppfylli þau ekki skilyrði um fjölda starfsmanna á mótum. Sekta skal félag um sem samsvarar 20 EUR miðað við hverja stöðu sem vantar í og félagið á að manna í viðkomandi móti.

10. grein - Tilkynningar og auglýsingar um mót

Í tilkynningum til félaga og auglýsingum skal tekið fram hvar og hvenær mótið fer fram og jafn framt skýrt kveðið á um skráningarfrest, í hvaða greinum verði keppt, röð greina, fjölda starfsmanna sem krafist er og ef keppt er um sérstaka verðlauna- eða farandgripi. Sérstaklega skal kynna ef keppni fer fram í aldursflokkum, garpaflokkum eða fötlunarflokkum. Tekið skal fram í auglýsingum um sundmót hvort greiða skal skráningargjald og hve hátt það er.

11. grein - Skráningargjald

Heimilt er að krefjast skráningargjalds á sundmótum. Framkvæmdaaðilar móta, annarra en SSÍ móta, hafa frjálsar hendur um ákvörðun skráningagjalda.

12. grein - Skráningarfrestur, þátttökutilkynningar

Einstaklings- og/eða liðaskráning vegna allra SSÍ móta skal hafa borist skrifstofu SSÍ fullum 10 dögum fyrir mótisbyrjun. Vegna SSÍ móta leggur SSÍ til mótaskrá á tölvutæku formi og skal skráningum skilað á því formi sem forrit SSÍ les. Þeir sem ekki hafa aðgang að gagnaformi sem forrit SSÍ les, geta í undantekningartilfellum fengið að senda skráningarnar inn á þar til gerðum skráningarformum sem eru gefin út af SSÍ og skulu skráningar þá hafa borist skrifstofu SSÍ fullum 12 dögum fyrir mótisbyrjun. Önnur skráningarblöð eða form eru ekki tekin gild sem skráning á SSÍ mót. **Öllum skráningum skal skilað inn með tölvupósti eða öðrum rafrænum hætti sem SSÍ viðurkennir.** Í öllum tilfellum skal koma fram fullt nafn, kennitala, og löglegur tími keppenda á yfirstandandi keppnisári. Í þeim tilfellum þar sem lágmark gilda m/v aldur og/eða aldursflokkaskipting ber að miða við fæðingarár viðkomandi keppenda. Ásamt skráningum skal skila inn nafnalista yfir starfsfólk (dómara, annað starfsfólk) móta.

Dagsetning á skráðum árangri og staðsetning eða mótisheiti skal koma fram á skráningarformi. Hafi keppandi verið rangt skráður skal sá keppandi ávallt raðast í riðil miðað við að hann eigi ekki gildan tíma í greininni og félagi hans skal gert að greiða sekt að fjárhæð sem samsvarar 20 EUR.

Röð keppenda í boðsundssveitum skal tilkynna skriflega í síðasta lagi hálf tíma fyrir viðkomandi keppnishluta - til að sveitin öðlist keppnisrétt.

Framkvæmdaaðilar annarra móta en opinna móta og SSÍ móta hafa heimild til að setja aðrar reglur um skráningarfresti og skráningarform. Það skal þá koma fram í tilkynningu um mótið hvernig þessum málum er háttað.

13. grein - Þátttaka fatlaðra á sundmótum.

Fötludu sundfólki er heimil þátttaka á Íslandsmeistaramótum og öðrum mótum sem haldin eru innan vébanda SSÍ. Gilda sömu reglur um skráningar og þáttökutilkynningar þeirra og um annað sundfólk en að auki ber fötludum að skila með skráningum, númeri fötlunarflokks. Gilda þá sérreglur um fötlunarflokkinn eftir atvikum fyrir þann sundmann í greininni. SSÍ skal skrá viðkomandi keppanda undir merkjum félags hans. Mótstjórn upplýsir yfirdómara um sundmanninn og fötlunarflokk hans áður en mótshluti hefst. Upplýsa á yfirdómara áður en sund hefst ef aðstoðarmanns er þörf. Heimilt er að skrá fatlað sundfólk í sérstakan riðil og skal sá riðill þá fara fram á undan öðrum riðlum, að öðrum kosti raðast sundfólk í riðla eftir tímum. Heimilt er að veita sérstök verðlaun í flokki fatlaðra.

14. grein - Tímalágmörk á mótum

Framkvæmdaaðilum opinna móta, annarra en SSÍ móta, er heimilt að setja tímalágmörk á mótum sem haldin eru á þeirra vegum.

15. grein - Tímastaðlar

Stjórn SSÍ skal gefa út reiknireglu til að meta árangur milli eftirtalinna brautarlengda: 16 2/3 metra, 25 metra og 50 metra. Reiknireglur þessar skulu uppfærðar eftir þörfum við upphaf hvers sundtímabils. Umreiknaður tími skal merktur sérstaklega í skráningu. Umreiknaður tími getur aldrei orðið betri en Íslandsmet í greininni í viðkomandi brautarlengd og skal í þeim tilfellum skrá umreiknaðan tíma amk 1/100 yfir gildandi meti.

16. grein - Skráningartímar

Við skráningu á sundmót skal ávallt nota tíma frá móti sem haldið er samkvæmt lögum og reglum SSÍ/FINA enda hafi mótið verið skráð og úrslitum skilað til SSÍ. Tími telst almennt gildur innan tólf mánaða tímabils eða milli samsvarandi móta. Tíma á að skrá í samræmi við þá brautarlengd sem mót fer fram í. Tímum úr brautum af annarri lengd skal breyta samkvæmt reiknireglu SSÍ og merkja sérstaklega í skráningu. Eigi keppandi tíma í viðkomandi brautarlengd er honum óheimilt að nota umreiknaðan tíma úr annarri brautarlengd, hvort sem sá tími er lakari eða betri. Ef tími keppanda er rangt skráður skal sá keppandi raðast í riðil miðað við að hann eigi ekki gildan tíma í greininni eða missa þáttökurétt ef um tímalágmörk á viðkomandi mót er að ræða. Jafnframt er félagi hans gert að greiða sekt að fjárhæð sem samsvarar 20 EUR.

Íslenskt sundfólk sem stundar æfingar í sundi, en býr erlendis og sannanlega getur ekki náð lágmarkstímum á Íslandsmeistaramót í rétttri eða umreiknaðri brautarlengd, getur sótt um heimild til keppni á Íslandsmeistaramóti til stjórnar SSÍ með minnst fjögurra vikna fyrirvara. Þessir einstaklingar eru þá skráðir án tíma í viðkomandi greinum.

Á mótum skulu allar boðsundssveitir skráðar tímalausar (00:00,00) í undanrásum eða þegar keppt er beint til úrslita. Röðun á brautir ræðst þá af handahófi, nema reglur viðkomandi móts segi til um annað.

17. grein - Útnefning starfsmanna

SSÍ heldur námskeið fyrir dómara, gefur út og staðfestir reglur um réttindi þeirra. Dómaranefnd SSÍ fylgist með og heldur skrá yfir störf dómara, gerir tillögur um/velur dómara til starfa á mótum SSÍ og í alþjóðleg verkefni og sendir stjórn SSÍ til staðfestingar eftir því sem við á. Skrá um dómara / yfirdómara skal vera aðgengileg á heimasíðu SSÍ. Dómarar á sundmótum SSÍ skulu klæðast fatnaði sem auðkennir þá.

18. grein - Skýrslur

Framkvæmdaaðilar móta skulu senda SSÍ mótaskýrslu og útprentun úr tímatökutækjum. Einnig skulu úrslit mótsins berast til SSÍ á tölvutæku formi. Skýrsla um sundmót skal undirrituð af mótsstjóra og yfirdómara. Til þess að úrslit teljist gild þurfa framangreind gögn að hafa borist SSÍ innan sjö daga frá lokum móts. Framkvæmdaaðilar skulu birta staðfest úrslit innan sama tíma.

19. grein - Þátttökuréttur

Stjórn SSÍ er heimilt að innheimta þjónustugjöld af sundfélögum /deildum sem eiga aðild að íþróttabandalagi eða héraðssambandi innan ÍSÍ. Þjónustugjöld skulu ákveðin á Sundþingi og innheimtast í tvennu lagi m/v 1. maí og 1. desember ár hvert. Verði misbrestur á greiðslum skal stjórn SSÍ beita viðkomandi félag útilokun frá verkefnum SSÍ. Eindagi félaga/deilda til greiðslu þjónustugjalda er mest þrjú mánuðir frá útgáfudegi greiðsluseðils, þar til stjórn SSÍ skal beita viðurlögum – hafi ekki verið samið um skuldalúkningu.

Þátttakendur í opnum mótum skulu eiga félagsaðild í samræmi við reglur ÍSÍ. Í leikskrá skal skráð við nöfn keppenda nafn þess félags sem þeir eru í og keppa fyrir. Mótstjórn getur ekki neitað keppenda um þátttöku ef hann hefur verið tilkynntur löglega og hefur réttindi samkvæmt lögum og reglum ÍSÍ. Sé vafi á því hvort leyfa beri einstaklingi eða félagi/deild að keppa skal yfirdómari ákvarða. Sætti aðilar sig ekki við ákvörðun yfirdómara er heimilt að skjóta ágreiningi til úrskurðar yfirdómnefndar móts. Úrskurður yfirdómnefndar er endanlegur.

20. grein - Félagaskipti

Keppandi getur skipt um félag hvenær sem er á keppnistímabilinu. Um leið missir hann keppnisrétt með því félagi sem hann hefur verið skráður í fram að því. Keppnisrétt öðlast hann með sínu nýja félagi þó ekki fyrr en 30 dögum eftir að tilkynning um félagaskipti hefur borist SSÍ.

Tilkynna þarf öll félagaskipti skriflega til skrifstofu SSÍ. Tilkynningar ásamt staðfestingu á skuldlausri stöðu við fyrra félag þurfa að berast skrifstofu SSÍ á þar til gerðu eyðublaði/formi. Hafi viðkomandi einstaklingur ekki keppt á skráðu sundmóti undanfarin tvö ár, gerist ekki þörf að tilkynna félagaskipti. Póststimpill ábyrgðarbréfs, kvittun stjórnarmanns eða starfsmanns gildir sem dagsetning tilkynningar um félagaskipti. Stjórn SSÍ skal á næsta fundi staðfesta félagaskipti og færa til bókar. Keppandi sem er í félagaskiptaferli, má keppa sem gestur á opnum mótum og SSÍ mótum í þeim tilgangi einum að ná lágmarkum í landsliðsverkefni.

21. grein - Keppnisréttur erlendra sundmanna og íslendinga búsetta erlendis

Á Íslandsmótum í sundi geta íslenskir ríkisborgarar einir orðið Íslandsmeistarar og sett íslenskt met. Erlendu sundfólki er heimil keppni í einstaklingsgreinum og boðsundssveitum á Íslandsmótum til verðlauna. Boðsundssveit með erlendan ríkisborgara innanborðs getur aldrei hlotið Íslandsmeistaratitil né sett íslenskt met.

Ekki skal setja takmörk á fjölda erlendra ríkisborgara í liðakeppni í sundi, að því tilskyldu að viðkomandi hafi sannanlega búið á Íslandi í 30 daga hið minnsta.

Íslenskir ríkisborgarar búsettir erlendis eiga alltaf keppnisrétt á Íslandsmótum. Óski íslenskir ríkisborgarar sem æfa og keppa undir merkjum félaga erlendis eftir að keppa undir merkjum félags á Íslandi gilda reglur SSÍ um félagaskipti. Íslenskir ríkisborgarar sem æfa og keppa undir merkjum félaga erlendis, en hafa aldrei keppt undir merkjum félags á Íslandi skulu uppfylla ákvæði a hluta IX. Kafla laga og reglugerða SSÍ um þátttökurétt erlendra sundmanna eftir því sem við á.

22. grein - Forföll, varamenn, vísað frá keppni.

Keppandi sem skráður hefur verið til opinnar keppni og mætir ekki til leiks, án sannanlegra forfalla, skal sæta viðurlögum, sektum eða útlökun frá keppni. Mæti keppandi ekki til leiks af þeim orsökum að félag hans hefur skráð hann án vitundar eða samþykkis hans/hennar, skal félagið sæta ábyrgð fyrir.

Þátttakendum sem ekki eru viðstaddir þegar yfirdómari eða aðstoðarmenn hans kalla upp nöfn þeirra áður en rásmerki er gefið má neita um að keppa. Á öllum mótum á vegum SSÍ skal sekt fyrir að mæta ekki á rásfall á réttum tíma vera sem svarar 33 EUR fyrir einstaklingsgreinar en sem svarar 65 EUR fyrir boðsundssveitir. Heimilt er að setja inn varamenn fyrir úrskráningar í undanrásum eða þegar keppt er beint til úrslita – í samræmi við reglur FINA. Ávallt er heimilt að skrá úr einstökum greinum innan auglýsts frests.

23. grein - Keppni milli karla og kvenna

Á mótum SSÍ má ekki stofna til einstaklingskeppni milli karla og kvenna. Stjórn SSÍ getur veitt undanþágu frá þessari reglu á sérgreindum mótum, ef sótt er um það með amk. tveggja vikna fyrirvara og sérstaklega stendur á. Í boðsundum má blanda kynjum í samræmi við reglur FINA, þannig að tveir jafnmargir af hvoru kyni skipi hverja sveit.

24. grein - Boðsund

Félögum er heimilt að senda fleiri en eina boðsundssveit til keppni á mótum hafi keppnishaldari gert ráð fyrir því í tilkynningu um mót og reglugerð mótsins mælir ekki gegn því. Í þeim tilfellum sem félag sendir fleiri en eina sveit skal merkja sveitir félags A, B, C osfrv. til aðgreiningar. Sé um að ræða stigakeppni félaga skal A sveit félags ávallt vera sú sveit sem keppir til stiga. Geri sveit ógilt í undanrásum eða undanúrslitum á mótum er öllum sundmönnum sem skipuðu hina ógildu sveit óheimilt að taka þátt í öðrum boðsundssveitum félags í úrslitum sömu greinar. Á sama hátt er félagi óheimilt að merkja aðrar sveitir félagsins með bókstaf hinnar ógildu sveitar.

25. grein - Yfirdómnefnd móts (Jury of appeal)

Á öllum mótum SSÍ starfar yfirdómnefnd skipuð þremur stjórnarmönnum SSÍ. Formaður SSÍ er jafnframt formaður yfirdómnefndar. Skal yfirdómnefnd úrskurða í ágreinings- og álitamálum sem upp koma á móti, í samræmi við reglur LEN og FINA og ef þau falla ekki beinlínis undir lögsögu annarra aðila í samræmi við samþykktir SSÍ og ÍSÍ.

Yfirdómnefnd móts skal fjalla um öll mál sem upp kunna að koma varðandi slæma framkomu eða hegðun á öllum mótum SSÍ. Ef keppandi eða starfsmaður gerir sig sekan um ósæmilega hegðun að mati yfirdómara eða fulltrúa SSÍ og ekki vinnst tími til að taka á málinu meðan á móti stendur, getur viðkomandi sent skýrslu um málið til skrifstofu SSÍ innan 7 daga frá því að atvikið átti sér stað. SSÍ skal tilkynna viðkomandi félagi um atvik þau er varða keppendur, starfsmenn og/eða trúnaðarmenn viðkomandi félags og skal félagið taka málið til meðferðar og kynna stjórn SSÍ niðurstöðu sína innan þess frests sem hæfilegur getur talist. Úrskurðir yfirdómnefndar móts eru endanlegir.

26. grein - Virðing og tillitssemi

Keppendur í sundíþróttum, þjálfarar þeirra og aðrir sem koma að keppni í sundíþróttum skulu sýna öðrum keppendum, þjálfurum, fylgdarfólki og starfsfólki móta og sundstaða tilhlýðilega virðingu og tillitssemi í hvívetna. Keppendur sem vinna til verðlauna í sundíþróttum skulu mæta til verðlaunaafhendingar.

Mótsstjórn má svipta keppanda verðlaunum sínum mæti hann ekki til verðlaunaafhendingar, án eðlilegra skýringa. Heimilt er liðsstjóra/keppanda þó að senda staðgengil til að taka við verðlaunum, vegna sérstakra aðstæðna. Liðstjóri eða þjálfari skulu tilkynna mótstjórn áður en verðlaunaafhending fer fram hverju sinni ef sérstaklega stendur á varðandi mætingu keppanda til móttöku verðlauna.

27. grein - Verðlaunagripir

Reglugerðir um verðlaunagripir skulu staðfestar af stjórn SSÍ. Í reglugerð skal tekið fram:

- a) Nafn verðlaunagripa og gefanda.
- b) Hverjir annist um að reglugerð sé framfylgt.
- c) Í hvaða greinum skuli keppt og hverjir sjái um keppnina.
- d) Á hvaða mótum skuli keppt um gripina.
- e) Hve oft skuli keppt um gripina.
- f) Hverjir hafi rétt til keppni.
- g) Ákvæði um að vinna gripir til varðveislu eða eignar.

Slíkum reglugerðum verður ekki breytt nema að undirlagi stjórnar SSÍ og skal leitað eftir samþykki gefenda sé það áskilið í reglugerð.

28. grein - Lyfjamisnotkun/lyfjaeftirlit

Um lyfjamál gilda lög og reglur ÍSÍ þar sem unnið er eftir fyrirmælum WADA varðandi bönnuð efni og viðurlög skulu vera í samræmi við ákvarðanir dómstóla ÍSÍ og FINA eftir því sem við á. Lyfjaeftirlit er í höndum Lyfjaneftirlits ÍSÍ og skal fara eftir lögum og reglugerðum ÍSÍ.

29. grein - Viðauki almennra ákvæða um Atburðadagatal/Mótaskrá SSÍ

Stjórn SSÍ ákveður tímasetningu SSÍ móta næsta sundtímabil. Við sérstakar aðstæður hefur stjórn SSÍ heimild til að bregðast við breyttum forsendum og flytja til dagsetningar móta eða fella niður tiltekin mót, en allar slíkar ákvarðanir skulu háðar samráði við forráðamenn sundfélaga og kynntar með mesta mögulegum fyrirvara.

Stjórn SSÍ skal staðfesta og kynna atburðadagatal komandi tímabils við upphaf þess. Þar skal árétta tímasetningar SSÍ móta, æfinga og keppnisverkefna undirbúningshópa og landsliða, innanlands og utan, dagsetningar Sundþings og áætlanir um formannafundi SSÍ, auk þess sem stefnt skal að því að öll opin sundmót á vegum sundfélaga og sambandsaðila séu tímasett og kynnt sundsamfélaginu á sama tíma. Þau sundfélög og sambandsaðilar sem óska eftir því að kynna eigin sundmót og atburði á Atburðadagatali/Sundmótaskrá SSÍ skulu senda stjórn umsókn um slíkt amk þremur mánuðum fyrir upphaf keppnistímabils. Stjórn SSÍ ber að leita samráðs við Sundráð Reykjavíkur og sundfélög annars staðar á landinu um heildarskipulag og hafa forgöngu um nauðsynlegar tilhliðranir varðandi dagsetningar sundmóta og tímasetningu annarra atburða. Náist ekki samkomulag milli aðila skal stjórn SSÍ skera úr um dagsetningar sundmóta og einstakra atburða. Aðilar sem fengið hafa kynningu á sínum verkefnum á atburðadagatali/sundmótaskrá SSÍ hverju sinni skulu leita heimildar stjórnar SSÍ til frávika, með minnst 4 vikna fyrirvara.

Láti sambandsaðili undir höfuð leggjast að leita slíks samþykkis eða felli aðili niður sundmót sem sett hefur verið á sundmótaskrá SSÍ hefur stjórn heimild til að úrskurða viðkomandi aðila til greiðslu sektar allt að fjárhæð sem samsvarar 700 EUR. Aðilar skulu ekki sæta sektarviðurlögum ef sannað er að óviðráðanlegar ástæður hafi ótvírætt hamlað því að staðið væri við auglýst áform.

Staðfest í stjórn SSÍ 18. september 2013